




Broj 4  
Juni 2011.

# INFORMATIVNI BILTEN **BRIGADE TAKTIČKE PODRŠKE OS BiH**

## POSJET VOJNOG ORDINARIJA DR. TOME VUKŠIĆA BRIGADI TAKTIČKE POTPORE

Povodom patrona vojne kapele blaženog Ivana Merza na vojnoj lokaciji „Rajlovac OS BiH“ Vojni ordinarij dr. Tomo Vukšić posjetio je dana 10.05.2011. godine Zapovjedništvo Brigade taktičke potpore i navedenu vojnu lokaciju.



Pored biskupa njegov posjet ovoj lokaciji su uveli svojom nazočnošću i Zamjenica ministra obrane BiH za upravljanje resursima

Marina Pendeš, Zamjenik načelnika Zajedničkog stožera OS BiH za resure general-bojnik Slavko Puljić, Zapovjednik Operativnog zapovjedništva OS BiH general-bojnik Anto Jeleč te zapovjednik 4. pbr brigadni-general Ivica Jerkić. Vojnog ordinarija i izaslanstvo MO i OS BiH na vojnoj lokaciji „Rajlovac OS BiH“ primio je brigadir mr. Esad Šejtanić zapovjednik Brigade taktičke potpore i zapovjednik navedene vojne lokacije. Po prijemu kod zapovjednika lokacije biskup dr. Tomo Vukšić je održao Svetu misu u vojnoj kapeli blaženog Ivana Merza u vojarni „Rajlovac OS BiH“ uz nazočnost velikog broja vjernika.



Nakon održane Svete mise upriličen je i svečani prijem u povodu posjeta dr. Tome Vukšića – Vojnog ordinarija kojem su nazočili svi zapovjednici postrojbi stacioniranih na lokaciji „Rajlovac OS BiH“ kao i ključni personal Zapovjedništva Brigade taktičke potpore. Na koncu ovog posjeta brigadir mr. Esad Šejtanić uručio je biskupu dr. Tomi Vukšiću prigodan poklon u znak sjećanja na boravak u Brigadi taktičke potpore i lokaciji „Rajlovac OS BiH“.



*Командант Бригаде тактичке подршке,  
бригадир тр. Есад Шејтанић  
упутио је честитку поводом обиљежавања  
19. годишњице формирања ВРС и 6. годишњице  
3. пјешадијског (Република Српска) пука ОС БиХ*



## STUDENTI UNIVERZITETA SARAJEVO POSJETILI BRIGADU TAKTIČKE PODRŠKE I VOJNU LOKACIJU „RAJLOVAC OS BiH“

Brigadu taktičke podrške i vojnu lokaciju „Rajlovac OS BiH“ dana 18.05.2011. godine posjetili su studenti Fakulteta političkih nauka, Pravnog fakulteta, Ekonomskog fakulteta, Kriminalističkog fakulteta i Fakulteta za sport i tjelesni odgoj Univerziteta Sarajevo.



Studente je u Komandi Brigade taktičke podrške dočekaio i izrazio im dobrodošlicu načelnik štaba Komande Brigade taktičke podrške brigadir Nenad Garić. Nakon uvodnog obraćanja brigadira Nenada Garića i predstavnika NATO-a za studente je upriličen Informativni brifing sa ciljem upoznavanja posjetilaca sa informacijama vezanim za Brigadu taktičke podrške i vojnu lokaciju „Rajlovac OS BiH“. Nakon informativnog obraćanja studenti su u pratnji domaćina obišli Komandu Brigade taktičke podrške i vojnu lokaciju „Rajlovac OS BiH“.



Na vojnoj lokaciji „Rajlovac OS BiH“ upriličen im je taktičko tehnički zbor te metodsko pokazna vježba Počasne jedinice OS BiH i bataljona vojne policije na teme „Procedure počasne jedinice“ i „Upad u objekat“. Ovdje su studenti imali priliku da se upoznaju sa ljudstvom i sredstvima bataljona vojne policije, vojnoobavještajnog bataljona, dijelova ljudstva i sredstava deminerskog bataljona te voda veze iz sastava Brigade taktičke podrške.



Studenti Univerziteta Sarajevo su u sklopu posjete vojnoj lokaciji „Rajlovac OS BiH“ su se upoznali i sa ljudstvom i sredstvima 2. helikopterskog skvadrona. Ovdje su mogli da se upoznaju sa helikopterima UH 1 H.

Na kraju su studenti Univerziteta Sarajevo imali organizovan prijem i druženje u vojničkom klubu Brigade taktičke podrške sa ključnim personalom Komande Brigade taktičke podrške i komandantima jedinica koje su obišli na lokaciji „Rajlovac OS BiH“.

### POSJETA VOJNO-DIPLOMATSKIH PREDSTAVNIKA JEDINICAMA BRIGADE TAKTIČKE PODRŠKE U VB „DUBRAVE“

U sklopu Plana saradnje Udruženja vojno-diplomatskih predstavnika i Ministarstva odbrane Bosne i Hercegovine dana 20.05.2011. godine realizovana je posjeta vojnih atašea jedinicama Brigade taktičke podrške, oklopnom bataljonu i četi ABHO, stacioniranim u VB "Dubrave" - Tuzla. Vojno-diplomatske predstavnike primili su brigadir mr. Esad Šejtanić komandant Brigade taktičke podrške zajedno sa komandantom oklopnog bataljona pukovnikom Muhidinom Ibrakovićem i komandir čete ABHO poručnikom Radovanom Rikićem.



Nakon uvodnog obraćanja komandanta Brigade taktičke podrške mr. Esada Šejtanića komandant oklopnog bataljona pukovnik Muhidin

Ibraković i komandir čete ABHO poručnik Radovan Rikić upriličili su za vojno-diplomatske predstavnike u Bosni i Hercegovini informativne brifinge o oklopnom bataljonu i četi ABHO. Nakon informativnih brifinga i diskusije vojno-diplomatski predstavnici su prisustvovali taktičko-tehničkom zboru gdje su se vojni atašei upoznali sa tehnikom i opremom koju koriste oklopni bataljon i četa ABHO. Vojno-diplomatskim predstavnicima akreditovanim u Bosni i Hercegovini, koji su posjetili oklopni bataljon i četu ABHO Brigade taktičke podrške, omogućeno je da u testnoj vožnji osjete performanse OT M113.



Na kraju posjete za vojno-diplomatske predstavnike upriličen je i prigodan koktel. Ovoj posjeti su prisustvovali vojno-diplomatski predstavnici 12 zemalja akreditovanih u Bosni i Hercegovini i to iz Grčke, Holandije, Hrvatske, Mađarske, NR Kine, Rumunije, Ruske Federacije, Sjedinjenih Američkih Država, Slovačke, Srbije, Španije i Velike Britanije.

### POSJETA INSPEKTORA OPERATIVNE KOMANDE OS BiH I INSPEKTORA BRIGADE TAKTIČKE PODRŠKE INŽINJERIJSKOM BATALJONU



Dana 11.05.2011. godine tim Inspektora iz OK OS BiH u pratnji Inspektora Brigade taktičke podrške obišli su inženjerijski bataljon Brigade taktičke podrške. Cilj ove posjete inženjerijskom bataljonu bilo je sagledavanje stanja iz oblasti etike i profesionalizma, te identifikacija sistemskih problema.

### DŽUMA U RATNOJ DŽAMIJI NA IGMANU



Već tradicionalno svaki prvi petak u mjesecu u Ratnoj džamiji na Igmantu klanja se Džumanamaz. Tako je i 06.05.2011. godine Džumanamaz u Ratnoj džamiji na Igmantu

predvodio brigadni imam Haris ef. Hadžić uz prisustvo velikog broja vjernika kako iz sastava OS BiH, većinom iz sastava Brigade taktičke podrške, tako i civila.



### KVALIFIKACIJSKO BOJEVO GAĐANJE KOMANDE BRIGADE TAKTIČKE PODRŠKE



U skladu sa godišnjim Planom i Smjernicama za obuku 42 pripadnika komande Brigade taktičke podrške su dana 17. 05. 2011. godine realizovali kvalifikacijsko bojevo gađanje ličnim naoružanjem (AP M16 A1) na strelištu u Pazariću. Gađanje je pripremljeno i izvršeno u skladu sa propisanim procedurama i uz poštovanje mjera sigurnosti neophodnih za organizaciju i izvršenje zadatka ove prirode. Prilikom realizacije bojevog gađanja pripadnici komande Brigade taktičke podrške su pokazali spremnost, obučenost i vještine u realizaciji izvršenja postavljenog zadatka.

### OTVORENI DANI SIGURNOSTI 2011



U sklopu NATO promotivnih aktivnosti dana 31.05. i 06.2011. godine na platou ispred BBI Centra u Sarajevu održana je manifestacija „Otvoreni dani sigurnosti 2011“. Na ovoj manifestaciji aktivno učešće su uzeli i pripadnici Oružanih snaga Bosne i Hercegovine sa jedinicama iz sastava Brigade taktičke podrške, bataljonom vojne policije, deminerskim bataljonom i vojnoobavještajnim bataljonom, kao i sa reprezentativnim nastupom Počasne jedinice i vojnog orkestra OS BiH na samom otvaranju ove manifestacije.



### BATALJON VEZE

#### BRIGADNI GENERAL SAKIB FORIĆ POSJETIO BATALJON VEZE

Brigadni general Sakib Forić, zamjenik komandanta OK OS BiH za operacije, posjetio je dana 18.05.2011. godine bataljon veze Brigade taktičke podrške u kasarni „Miloš Obilić“ na Palama. Ovom prilikom general Forić je izvršio uvid u obuku koja se realizuje u bataljonu veze sa Mobilnim trening timom EUFOR-a kao i opći dio stručno - specijalističke obuke novoprimitljenih vojnika bataljona veze koji su nakon osnovne obuke u COO Pazarić upućeni u matične jedinice na svoja nova radna mjesta.

Opći dio stručno - specijalističke obuke novoprimitljenih vojnika traje 4 sedmice i odnosi se isključivo na osposobljavanje vojnika za dužnosti iz misije roda veze. Nastavni plan za opći dio stručno-specijalističke obuke je napravljen na osnovu smjernica preuzetih sa Seminara roda veze održanog na Jahorini 2009.godine.

Na kraju posjete general Forić je izrazio zadovoljstvo zatečenim stanjem u bataljonu veze Brigade taktičke podrške a posebno je istakao zadovoljstvo zatečenim stanjem na SKČ Leotar i u vodovima veze na SKC Bistrik i Butmir prilikom njegove nenajavljene posjete istim. Na kraju posjete komandant bataljona veze major Željko Bradić izrazio je zadovoljstvo postignutim rezultatima realizovane obuke sa MTT EUFOR-a kao i dojmovima generala Forića o istoj.

#### ZAVRŠENA 3. FAZA 1. MODULA OBUKE BATALJONA VEZE

Svečana ceremonija dodjele certifikata povodom završetka 3.faze 1.modula obuke (Unutrašnje i spoljnje kabliranje) sa MTT EUFOR-a iz sastava OS Holandije održana je dana 20.05.2011. godine u kasarni „Miloš Obilić“ na Palama. Ceremoniji dodjele certifikata pristustvovali su pukovnik Essen ispred OS Holandije dok su ispred OS BiH navedenoj ceremoniji prisustvovali pukovnik Žarkušić, načelnik G-6 OK OS BiH, major Klisura iz sastava G-6 OK OS BiH i major Željko Bradić, komandant bataljona veze Brigade taktičke podrške.

Poslije planirane petnaestodnevne pauze obuka se nastavlja sa pripadnici MT tima iz sastava OS R Turske, a u sklopu 1. modula 4. faze obuke bataljona veze.

### ИНЖИЊЕРИЈСКИ БАТАЉОН

#### РЕАЛИЗОВАНА АКТИВНОСТ „ДАНИ ОТВОРЕНИХ ВРАТА“

Дана 24.05.2011.год. у касарни „Здравко Челар“ Дервента је реализована активност „Дани отворених врата“. Овај догађај се по први пут одржавао у Дервенти и наишао је на велико интересовање од стране средњих и основних школа на овом подручју. Инжињеријски батаљон је био носилац ове активности и овом приликом су посјетиоцима приказана средства која су у саставу ове јединице. Уз презентовање карактеристика тих средстава изложене су и могућности кориштења у случају помоћи становништву приликом временских и других непогода. Ученици завршних разреда средњих школа су исказали посебно задовољство овом посјетом јер, како кажу, другачије не би били довољно информисани о војним ресурсима и начину рада у ОС БиХ гдје би у будућности можда нашли и своје интересовање за запослење. У сваком случају, све у вези војних потенцијала за њих је ново а њихова жеља да се упознају са војним објектима и средствима постоји већ дуго времена.

Такође, позиву за учешће овој манифестацији радо су се одазвале и друге институције из града и јединице из ОС БиХ, тако да су Ватрогасно друштво и Полиција из Дервенте приказали своју опрему и извршили неке од демонстрација из дјелокруга свог рада ( извлачење повријеђених из оштећеног аутомобила, поступак са осумњиченом особом, итд.). Из састава ОС БиХ, деминерски батаљон је био једна од тачака програма са својим „Прегат“ тимом, који су значајно допринијели квалитету овог догађаја. Ученицима и осталим посјетиоцима је ово била јединствена прилика да погледају један, за њих, нови начин уклањања мина помоћу дресираних паса. Начин на који су то изводили одушевио је све присутне, а посебно најмлађе, дјецу из вртића и дјецу са посебним потребама из удружења „Сунце“ Дервента који су били специјални гости ове манифестације.



### VOJNOOBAVJEŠTAJNI BATALJON

#### TAKTIČKA VJEŽBA „VOJNOOBAVJEŠTAJNI TIMOVI U PSO“



Dana 26.05.2011. godine u kasarni „Rajlovac OS BiH“ realizovana je taktička vježba „Vojnoobavještajni timovi u PSO“. Vježbu su realizovali pripadnici vojnoobavještajnog bataljona sa raspoloživom opremom i MTS-om.

Gosti vježbe, predstavnici OK OS BiH i Komande brTP, na čijem čelu je bio brigadir Zoran Duspara, PNŠ brTP za operacije i obuku, su mogli vidjeti koje su to aktivnosti za koje se osposobljavaju i obučavaju pripadnici VOB-a. Tokom same pripreme i realizacije taktičke vježbe formirani su timovi HUMINT, SIGINT, LRS koji su svojim postupcima i radnjama pokazali kako i na koji način mogu koordinirati u izvršavanju dodijeljenih zadataka. Navedeni timovi su kroz unaprijed utvrđeni scenario pokazali ulogu i značaj vojnoobavještajnih timova u operacijama podrške miru.

Po završetku vježbe brigadir Zoran Duspara se obratio učesnicima vježbe sa čestitkom i pohvalom za uspješnu realizaciju iste. Nakon prigodnog obraćanja izvršena je analiza vježbe na kojoj su pored komandanta i izvršnog oficira vojnoobavještajnog bataljona bili prisutni i posmatrači vježbe iz sastava OK OS BiH i Komande brTP gdje su isti ponovo uputili pohvale za uspješno sprovedenu vježbu te dali smjernice za budući rad jedinice na realizaciji sličnih vježbi.

### BATALJON VOJNE POLICIJE

#### UZVRATNA POSJETA POČASNOJ JEDINICI VOJSKE REPUBLIKE SLOVENIJE

U uzvratnoj posjeti Počasnoj jedinici Vojske Republike Slovenije, u Ljubljani, u periodu od 23.05. do 26.05.2011. godine, boravilo je sedam pripadnika Komande bataljona vojne policije Brigade taktičke podrške i pripadnika Počasne jedinice OS BiH predvođeni pukovnikom Edinom Rahićem komandantom bataljona vojne policije.



### OKLOPNI BATALJON

#### KVALIFIKACIJSKO BOJEVO GAĐANJE

Pripadnici oklopnog bataljona su shodno godišnjem planu obuke u dane 09.05.2011.godine i 17.05.2011.godine realizovali kvalifikacijska bojeva gađanja. Gađanja su izvedena na streljštima „Paša Bunar“ Tuzla i „Lazarevica“ Bijeljina. Realizacija kvalifikacijskih bojevih gađanja je sprovedena iz AP M16 A1 5,56 mm i PAM „Browning“ M2 12,7 mm. Uz detaljne pripreme i organizaciju ovih aktivnosti postignuti su zapaženi rezultati prilikom realizacije ovog zadatka. Poseban akcenat u izvršenju ovog zadatka je dat na učešće novoprimitljenih vojnika pripadnika oklopnog bataljona, gdje su isti pokazali veoma visok stepen profesionalnosti i obučenosti. Na kvalifikacijskim bojevim gađanjima oklopnog bataljona pristupilo je ukupno 48 pripadnika.



### ČETA ABHO

#### ZAVRŠEN DRUGI CIKLUS OBUKE ČETE ABHO SA MTT EUFOR-A

Drugi ciklus obuke čete ABHO sa MTT EUFOR-a u izvođenju predavača iz OS Austrije i OS Poljske završen je 05.05.2011. godine koju je uspješno završilo 11 pripadnika čete ABHO.

Na svečanoj ceremoniji dodjele certifikata prisutni su bili vođa MTT-a kapetan Klaus Kothgaser sa svoja četiri instruktora dok su ispred Komande brTP na navedenoj ceremoniji bili prisutni brigadir Zoran Duspara, pomoćnik načelnika štaba za operacije i obuku, major Zlatan Šurković, oficir za obuku, kapetan Predrag Subotić, oficir inženjerije i kapetan Salko Huskić, oficir za ABHO.

U završnom izlaganju povodom završetka obuke kapetan Klaus Kothgaser je izjavio da je veoma zadovoljan polaznicima kursa, njihovim iskazanim znanjem, profesionalizmom i zalaganjem, te da će se ova saradnja uspješno nastaviti i u trećem ciklusu čiji je početak planiran u septembru 2011. godine.





### DEMINERSKI BATALJON

#### REALIZACIJA DEMINERSKOG KURSA

Dana 06.05.2011. godine na vojnoj lokaciji kasarne „Rajlovac OS BiH“ dodjeljeni su cetrifikati za 7 pripadnika polaznika Osnovnog deminerskog kursa. Realizacija Osnovnog deminerskog kursa u organizaciji Odjeljenja za obuku deminerskog bataljona Brigade taktičke podrške otpočela je 11.04.2011. godine kojem su pristupili pripadnici OS BiH koji su izrazili želju za obavljanje deminerskih aktivnosti u sastavu deminerskog bataljona. Ovo je drugi po redu Osnovni deminerski kurs koji se realizovao u 2011. godini a s ciljem popune deminerskog bataljona ključnim personalom koji će u narednom periodu biti uključen u realizaciju humanitarnog deminiranja. Polaznici koji su uspješno završili Osnovni deminerski kurs će u narednom periodu pristupiti stručno specijalističkoj obuci koja će se realizovati u kasarni „Admir Ljubuškić - Šutak“ - Bugojno sa timom stariješina iz sastava deminerskog bataljona.

*Po uspješnom završetku cjelokupne obuke polaznici će biti uključeni u deminerska odjeljenja i postepeno uvedeni u rad koje bi se odvijalo pod pojačanim nadzorom komandira odjeljenja s ciljem sticanja iskustava za samostalno izvođenje deminerskih zadataka.*



#### OBUKA OPERATERA DEMINERSKIH MAŠINA „BOŽENA 1 i 2“

U kasarni „Admir Ljubuškić – Šutak“ - Bugojno realizovana je obuka budućih operatera deminerskih mašina „Božena 1 i 2“ za mašinsko uznemiravanje zemljišta. Obuka je realizovana od strane Odjeljenja za obuku deminerskog bataljona Brigade taktičke podrške u periodu od 16.05. do 24.05.2011. godine. Ovoj je obuci pristupilo i uspješno završilo 15 polaznika iz sastava deminerskog bataljona. Instruktori Odjeljenja za obuku deminerskog bataljona su polaznicima obuke pružili potrebna znanja za izvođenje operacija mehaničke pripreme zemljišta u operacijama deminiranja prema standardu za čišćenje i uklanjanje mina i NUS-a. Kroz praktični dio obuke polaznici kursa su izvršavali zadate i radnje upravljanja mašinom u minskom polju.

Nakon završetka obuke polaznici će biti angažovani u svojim mašinskim timovima gdje će dati doprinos u realizaciji ispunjenja godišnjeg plana PMA za 2011 godinu.



#### UNIŠTENJE NESTABILNE MUNICIJE I MES-a

Pripadnici čete za NUS deminerskog bataljona Brigade taktičke podrške na poligonu „Odlučna Barbara“ CB Glamoč otpočeli su 23.05.2011. godine sa realizacijom uništavanja nestabilne municije i MES-a metodom otvorene detonacije. Realizacija ove aktivnosti je predviđena da traje do 02.12.2011. godine do kada bi se, shodno dinamičkim planom uništenja nestabilne municije i MES -a, trebalo uništiti 250 829,29 kg iste.

Realizacija aktivnosti uništenja nestabilne municije metodom otvorene detonacije će realizovati 2 tima iz sastava čete za NUS deminerskog bataljona a dnevne mogućnosti uništenja jednog tima je do 500 kg nestabilne municije i MES-a. Podršku pripadnicima čete za NUS deminerskog bataljona u realizaciji ovih zadataka pružiti će pripadnici inženjerskog bataljona i bataljona vojne policije iz sastava Brigade taktičke podrške kao i 4.pbr, 6.pbr i KL.

Projekat uništenja nestabilne municije i MES-a je otpočeo u 2009. godini kada su iz sastava čete za NUS deminerskog bataljona bila angažovana dva tima tehničara za NUS koji su izvršili uništavanje 276 110,71 kg nestabilne municije i MES-a metodom otvorene detonacije od ukupno 527 000 kg izdvojenih nestabilnih sredstava sa skladišnih lokacija.



#### KVALIFIKACIJSKO BOJEVO GAĐANJE

Personal iz sastava komande i jedinica deminerskog bataljona smještenih na lokaciji razmještaja u kasarni „Admir Ljubuškić - Šutak“ Bugojno, 65 pripadnika, su dana 26.05.2011. godine na strelištu „Ovčarevo“, općina Travnik, izvršili kvalifikacijsko bojevo gađanje sa ličnim naoružanjem. Tokom realizacije ove aktivnosti ostvareni su slijedeći rezultati:

- Ekspert ----- 20 v/1
- Odličan strijelac ----- 21 v/1
- Vrlodobar strijelac ----- 24 v/1



### AKTUELNOSTI IZ ORUŽANIH SNAGA BOSNE I HERCEGOVINE

#### Vjernici - katolici Ministarstva obrane i Oružanih snaga BiH sudjeluju na

##### 53. Međunarodnom vojno-redarstvenom hodočašću u Lourdesu



U organizaciji Ureda katoličkog dušobrižništva i pod vodstvom vojnog biskupa mons. dr. Tome Vukšića od 17. do 24. svibnja 2011. godine vjernici-katolici djelatnici Ministarstva obrane BiH, pripadnici Oružanih snaga BiH, civilni službenici Oružanih snaga BiH, kao i Prvi bend Vojnog orkestra OS BiH, sudjeluju na 53. Međunarodnom vojno-redarstvenom hodočašću u Lourdesu (Francuska). Službeno izaslanstvo Ministarstva obrane predvodi zamjenica ministra obrane Marina Pendeš, a u izaslanstvu se nalazi brigadni general Marko Stojičić i brigadir Slaven Galić, koji će se hodočasnici priključiti 19. svibnja.

Pod geslom ovogodišnjeg međunarodnog hodočašća "Sjedinjeni u jednom Ocu i jednoj molitvi", više od 50 pripadnika Ministarstva obrane i Oružanih snaga BiH, osim zadovoljenja vjerskih potreba predstavljat će Ministarstvo obrane i Oružane snage BiH, kao i svoju domovinu Bosnu i Hercegovinu. Drugog dana hodočašća, u srijedu 18. svibnja, predviđeno je da vojni biskup Tomo Vukšić za sve hodočasnike predvodi misno slavlje u katedrali u Avignonu.

<http://www.mod.gov.ba/> ; dana 17.05.2011.

#### Војни повјереник борави у Центру за основну обуку



У оквиру активности обилазака локација ОС БиХ с циљем сагледавање стања, услова рада и функционирања јединица и команди ОС БиХ, у вишедневној посјети Центру за основну обуку у Пазарићу од 25. маја 2011. борави парламентарни војни повјереник БиХ, господин Бошко Шилеговић. У Центру се тренутно на основној обуци налазе кандидати за пријем у професионалну војну службу девете класе. У оквиру ове посјете господин Шилеговић је присуствовао свим активностима предвиђеним планом обуке и распоредом дневног радног времена.

“Намјера ми је да кроз учешће у cjелодневним активностима Центра за основну обуку, од смјештаја и исхране до обуке у учионици и на локалном подручју за обуку, сагледам све аспекте услова и начина реализације мисије ове јединице.” - рекао је господин Шилеговић додајући да кроз анализу стања у овој и осталим јединицама ОС БиХ жели сачинити приједлог мјера које ће помоћи и квалитативно унаприједити услове извршења мисије ОС БиХ у cjелини. Другог дана посјете парламентарног војног повјереника, 26. маја 2011. године у Центру за основну обуку су боравили и командант КП ОС БиХ генерал - мајор Мирсад Гутић те командант КОИД бригадир Роберт Сушац, а домаћин ове посјете је командант Центра, пуковник Самир Нукић.

<http://www.mod.gov.ba/> ; dana 26.05.2011.

#### Posjeta Jedinici Oružanih snaga BiH u Afganistanu

Tim Operativne komande OS BiH koji predvodi zamjenik komandanta Operativne komande OS BiH za operacije brigadni general Sakib Forić trenutno se nalazi u provinciji Helmand na jugu Afganistana u obilasku Jedinice OS BiH i oficira angažovanih u misiji ISAF u IR Afganistan. General Forić je iskazao zadovoljstvo postignutim rezultatima u dosadašnjem radu starješina i vojnika angažovanih u misiji ISAF, koji potvrđuju visok nivo profesionalizma, obučenosti i opredijeljenosti prema postavljenim zadacima iz Misije ISAF. To je još jedan pokazatelj ispunjenja partnerskih ciljeva, čime se približavamo punopravnom članstvu NATO savezu.



Tim Operativne komande OS BiH sagledava opšte stanje i zadatke na kojima se angažuju pripadnici OS BiH, njihova iskustava u dosadašnjem angažovanju, kao i razmjenu iskustava sa zemljama partnerima iz NATO-a i regiona. S tim u vezi, general Forić se sastao sa brigadirom Olujićem iz Hrvatske vojske koji je komandant Škole vojne policije u Kabulu, sa kojim je razmijenio mišljenja i iskustva o budućem angažovanju pripadnika instruktora Vojne policije OS BiH u obuci pripadnika OS IR Afganistan.

<http://www.mod.gov.ba/> ; dana 27.05.2011.